

Inunnik silaannakkut angallassinermut aalajangersakkat

BL 11-41

Timmisartoqarfinnut Greenland Airports International A/S-imit ingerlanneqartunut malittareqqusat pillugit aalajangersakkat

Saqqummersitaq 1, xx. november 2024

Kalaallit Nunaanni silaannakkut angallanneq pillugu inatsimmi § 70, § 149, imm. 10 malillugit, tak. inatsimmik nalunaarut nr. 76, 24. januar 2024-meersoq, Trafikstyrelsen Transportministeriamit piginnaatin-neqarnermigut, tak. Trafikstyrelsen malittarisassiaasigut Trafikstyrelsen suliaasai oqartussaaffiilu, naammagittaalliorsinnaatitaaneq aamma nalunaarutit pillugit nalunaarut nr. 1625, 12. december 2023, matumunna aalajangersarpaa:

1. Allagaatit attuumassuteqartut

- 1.1. BL 3-6, Silaannakkut angallatinik orsiineq, sulisut orsiisartut/orsiinermik kiffartuussineq aamma orsiisarfiit pillugit aalajangersakkat, saqqummersitaq 3, 6. december 2010-meersoq.
- 1.2. BL 3-12, Pisortat timmisartoqarfiini sulianik ingerlatsinerit, saqqummersitaq 1, 1. september 1984-imeersoq.
- 1.3. BL 7-1, Silaannakkut angallannermi malittarisassat pillugit aalajangersakkat, saqqummersitaq 16, 27. september 2017-imeersoq.
- 1.4. Kalaallit Nunaanni angallannermut inatsit, tak. inatsimmut nalunaarut nr. 995, 26. oktober 2009-meersoq.
- 1.5. Silaannakkut angallannermi isumannaatsuunerup (security) pinerlunnikkut eqqugaasinnaaneranik pitsaaliuineq pillugu Kalaallit Nunaannut nalunaarut nr. 362, 27. marts 2023-meersoq.
- 1.6. Kalaallit Nunaanni pinerluttulerineri inatsimmut nalunaarut, nr. 1187, 18. september 2023-meersoq.
- 1.7. Allagaatit, imm. 1.1-imiit 1.3-mut taaneqartut, Retsinformationip nittartagaani www.retsinfo.dk-mi aamma Trafikstyrelsenip nittartagaani www.trafikstyrelsen.dk-mi nassaarineqarsinnaapput.
- 1.8. 1.8 Allagaatit, imm. 1.4-miit 1.6-mut taaneqartut www.retsinfo.dk-mi pissarsiassaangillat. Allagaatit naqitami Lovtidende A-mi saqqummersitaapput.

2. Nassuiaatit

- 2.1. AFIS (Aerodrome Flight Information Service): Timmisartoqarfimmi paasissutissiinerimi kiffartuussineq.
- 2.2. Sumiiffik biilnut pas-eqarfik (Vehicle Pass Area): Timmisartoqarfimmi sumiiffimmi killilikkami, qamutunik motorilinnik angallannermut akuersissutit immikkut ittut piumasagaataapput.
- 2.3. Kalitsinnerit (Towing): Qamutunik motoorilinnik ikiorteqarluni timmisartumik kalissinerit.
- 2.4. Timmisartoqarfimmi sumiiffik assersorsimasoq (Airside): Timmisartoqarfiup immikkoortortaa taanna, ungalulersugaavoq, nalunaarsuutunik allagartalersugaalluni il. il. taamaalilluni silaannakkut angallatinik, inunnik ilaasunik imaluunniit nassiussanik tigooraavinni sulisunit killilimmik ingerlanneqartussaalluni.
- 2.5. Timmisartoqarfimmi aqutsisoqarfik (Aerodrome Management): Ingerlatsivik taanna, Trafikstyrelsemit ulluinnarni ingerlatsinermut aammalu ulluinnarni sumiiffiup nakkutigineqarnissaanut pisussaatinneqarpoq.
- 2.6. Timmisartoqarfiup illutaata sioraani timmisartumut inissiiffik (Apron): Timmisartoqarfiup iluani killilimmik immikkoortortaq, taanna timmisartunut inissiiffissatut atugassiaavoq soorlu ilaasut ikiorarneranni nioorarneranni imaluunniit nassatanik niooraallunilu ikioraanerimi, orsorsornerimi timmisartup uninnganerani inissiiffittut imaluunniit aserfallatsaaliinerimi.
- 2.7. Napasuliaq nakkutilliiffik (Air Traffic Control Tower): Suliaqarfik, timmisartoqarfimmi angallattoqartillugu nakkutilliinerimi kiffartuussinermik iluaqutaasussa.
- 2.8. Qamutit motoorillit (Vehicle): Assakaasullit, qitequtillit, ulamertunik kaavittullit, perrassaatit allalluunniit, ingerlassutaasinnaasut.
- 2.9. Timmisartut (Aircraft): Silaannakkut angalanerimi silaannaap naqitsineranik akiuussinnaasunngorlugit sanaajusut, aqqissuussaanerani silaannarmik nunap qaavaneersumik silaannalersugaanera eqqaassanngikkaanni.
- 2.10. Silaannakkut angallasserimi kiffartuussineq (Air Traffic Service - ATS): Kiffartuussinerimi makku suliaasaapput:
 - a. Timmisartut angalasut aporaatilersinnaanerisa pinaveersaartinnissaat,
 - b. timmisartut tikinnerminni aallalernerminnilu ingerlaarfiini ajutoortoqannginnissaanik akornuserneqannginnissaannillu pinaveersaartitsinissaq,
 - c. silaannakkut angallannermut siuarsaallunilu aaqqiissuteqartarneq,
 - d. timmisartumik angalanerup isumannaatsuunissaa eqaatsumillu periuseqarnissaa pillugu siunnersuillunilu paasissutissiinissaq aammalu
 - e. nakkutilliinerimik qitiusoqarfimmut aammalu timmisartumik angalanerimi paasissutissiinerimik qitiusoqarfimmut aammalu timmisartunik annaassiniarneq pillugu qitiusoqarfimmut nalunaaruteqartarnissaq, soorlu ujaasisoqartussanngortillugu annaassiniartoqartussanngortilluguluunniit, pisariaqarpallu tamatumunnga ikiuutissalluni.
- 2.11. Silaannakkut angallannerimik kiffartuussivik (Air Traffic Services Unit): Ataatsimut taaguutigineqartut makkuupput: Timmisartut pillugit aqutsisoqarfik, Timmisartoqarneq pillugu paasissutissiinerimi aqutsisoqarfik, allaffiit silaannakkut angallannermut aammalu AFIS-imut tunngasunik nalunaartartut.

- 2.12. Timmisartut mereernerini aallalernerinilu ingerlaarfiit (Manoeuvring Area): Timmisartoqarfiup iluani tassaniittumi, timmisartoq aallartinneqarlunilu mitsinneqartassaaq tassa timmisartoq biilluunniit tassani ingerlasinnaassapput, ikiartortarfiup nalaaniunngitsoq.
- 2.13. Aserfallatsaaliilluni misissuivik (Maintenance Area): Timmisartoqarfiup ilamernga killilik, tassani timmisartumik inissiisoqarlunilu aserfallatsaaliisoqartarnissaa taamaallaat naatsorsuutigineqarpoq, aamma inuussutissarsiornermik siunertaqarluni ilaasussanik ikioraatitsisoqassanngilaq ilaasunilluunniit niutitsisoqarluni.
- 2.14. Qamutit orsiissutit (Fuelling Vehicle): Qamutit orsiissutit immikkuulluunniit akuerisat timmisartumik orsiinermut atugassiat.
- 2.15. Orsiiviit (Fuelling Area): Orsiiviit, timmisartumik orsiinermi ikuallajasinnaasut.
- 2.16. Angallaffiit (Traffic Area): Timmisartoqarfiup iluani tassaniittumi, timmisartoq aallartinneqartassaaq, mitsinneqartassaaq aammalu ingerlasinnaassaaq, matumani timmisartup mereernerani aallalerneranilu ingerlaarfiit aammalu aallalernerimi tikinnermilu uninngaviit tassani aamma ilaapput.

3. Atuuffia

- 3.1. BL pineqartoq, timmisartoqarfinni pisortatigoortumik akuerisaasuni Greenland Airports International A/S-imiit ingerlanneqartunut atuuppoq, aqquuserngit aamma biilinit inissiiviit, timmisartoqarfinni assersorsimasumi, sumiiffiit allat timmisartoqarfiup ingerlanneqarneranut atugassiatut aqqissuussat ilaatinneqarlutik, tassunga ilagitillugit ledningit uuliamut atortut, qulliit miffissami nalunaaquuttat, orsiiviit, innaallagissamik pilersuiviit, imermik pilersuiviit, garaget aamma sumiiffiit sungiusartarfiit, timmisartoqarfiup ilaasunut aallariartortarfiini tamat uninngaffisinnaasaat, tak. ilanngussaaq, tulluuttuni ataatsimut timmisartoqarfimmik taaguuteqartinneqarput.
 - 3.1.1. Taamaattoq angallannermut inatsimmi immikkoortoq 6-imi amma immikkoortoq 8-mi ilaatitsinnginnerit immikkut ittut atuutissanngillat aqquisinernut aamma inssiivinnut timmisartoqarfiup assersorsimasup avataaniittunut.
- 3.2. Angallannermut inatsit BL-mi taaneqartoq, Kalaallit Nunaanni angallannermut inatsisit paasineqassaaq.

4. Isersinnaaffiit

- 4.1. Qamutit motorillit inuillu inatsisit malillugit akuerisaasut kisimik timmisartoqarfimmut assersimasup iluaniittumut isersinnaatitaapput.
- 4.2. Tikittut aallartussallu timmisartoqarfiup ungalusaata iluaniissagunik taamaallaat isertarfikkuussapput timmisartoqarfiup aqutsisuisa akuersissutigisimasaatigut.
- 4.3. Tikittut aallartussallu timmisartoqarfiup iluani ungalusaasup iluaniittut isernissamut akuersissummik pissusissamisoortumik kajumissaarneqanngikkaluarlutik takutitassaqartussaapput.

- 4.3.1. Kinaassutsimut uppersarsaat imaluunniit isernissamut akuersissut timmisartoqarfiup aqutsisunit atuutilersineqarsimasoq aamma Greenland Airports International A/S-imit akuersissutigineqarsimasoq atorlugu aatsaat atorfirmut tunngasumik suliassaarluni timmisartoqarfiup ungalusaata iluanut isertoqarsinnaavoq.
- 4.4. Timmisartoqarfiup aqutsisuisa piumasarisinnaavaat qamutit motorillit timmisartoqarfiup ungaluusap iluani ingerlasussat bilpas-eqarnissaat.
- 4.4.1. Timmisartoqarfiup aqutsisuisa malittareqqusinera malillugu bilpas-si tunniunneqartassaaq takujuminartumiitsinneqassallunilu.
- 4.5. Silaannakkut angallannerup isumannaatsuuneranut pinerliisoqarsinnaanera pinaveersaartinniarlugu aqqiinerit suliarineqassapput, silaannakkut angalanerup isumannaatsuunissaa pillugu pinerliisoqannginnissaanut pinaveersaartitsineq pillugu malittarisassani atuuttuni piunasaqaataasut, taakkualu malillugit isumannaallisaaanermut pilersaarutit Trafikstyrelsenimit akuerisaasut tunngavigalugit, tak. silaannakkut angallannermi isumannaatsuunerup (security) pinerlunnikkut eqqugaasinnaaneranik pitsaaliuineq pillugu Kalaallit Nunaannut nalunaarut nr. 362, 27. marts 2023-meersoq.
- 4.5.1. Immikkoortumi 4.5-mi piunasaqaatinut tunngatillugu kinaluunniit suleqataarusunngitsoq timmisartoqarfimmut iseqqusaanngilaq.

5. Uninnganeq

- 5.1. Kinaluunniit timmisartoqarfiup ungalui qaangerlugit isersimasoq pinngitsoorani isersimasinnaatitaanermut allagartamik akuerisaasumik nassataqassaaq, sunalu siunertaralugu tassani isersimanini ilisimatitsissutigissallugu.
- 5.1.1. Isersimasinnaatitaanermut uppersarsaat timmisartoqarfiup ungalui killigititaasut iluini isersimasup erseqqissumik tigummissavaa.
- 5.1.2. Inuit isersimasinnaatitaanermut uppersarsaateqaratik isersimappata imaluunniit atorfirmut atatillugu suliqaratik tassaniippata, matumani aamma timmisartumi ilaasut nalinginnaasumik sumiiffissaanniingippata timmisartoqarfimmi aqutsisunit anisinneqarsinnaapput. Anisinneqartut timmisartoqarfimmi aqutsisup peqqusineranut malinninngippata politiinut nalunaarutigineqassapput.
- 5.2. Timmisartoqarfimmi aqutsisut timmisartunut ilaasut uninnganerini, silaannakkut angallatit aamma qamutit motorillit orsersornerini, inissinnerini aamma isumannaallisarneqarnerini il. il. timmisartoqarfimmi atuisunut nalinginnaasumik imaluunniit aalajangersimasumik inissiffissanut innersuussinissamut pisinnaatitaapput.
- 5.2.1. Ikiorssiutinik atuilluni silaannakkut angallatinik aallartitsineq, kissassiineq, motorinik misilittaaneq kiisalu kissaassiineq, nillusaaneq il. il. taamaallaat ingerlanneqarsinnaavoq sumiiffinni, timmisartoqarfimmi aqutsisut innersuussaanni, aammalu eqqaani illunut, hangarenut, timmisartunut ingerlasunut aamma uninngasunut il. il. pisariaqartumik

mianerinnittumik ingerlanneqassalluni aammalu taamaalillutik nipiliortitsinerit il. il. sapinngisamik killilersimaarneqarlutik.

- 5.2.2. Timmisartup ilaasuunik, nassiussanik imaluunniit allakkanik nióraaneq aamma ikioraaneq taamaallaat ingerlanneqassaaq timmisartoqarfiup saavata tungaani.
- 5.3. Timmisartoqarfiup ingerlanneqarnissaa timmisartukkullu angallannerup pilersaaruisorneqarnissaa pillugit aqutsisut peqqussutinik erseqqinnerusunik aalajangersaasinnaapput.
- 5.3.1. Peqqussutit taamaattut malinneqanngippata aqutsisup atuisup pineqartup inissisimaffimmik atuinera inerteqqutigilersinnaavaa.
- 5.4. Timmisartut, atortulersuutit assigisaalluunniit ikuallanneq peqqutigalugu, soorlu timmisartumik ajunaarnikkut allallunniit, silaannakkut angallanneq pillugu inatsimmi § 135-mi aamma § 136-mi ilaatinneqanngitsut, pissutigalugit mittarfimmi inissamut akornutaalerpata piffissaq sivikitsoq atorlugu timmisartoqarfimmi aqutsisoqarfimmiit atuisoq piginnittorluunniit peqquneqarsinnaavoq akornutaalersoq peeqqullugu.
- 5.4.1. Immikkoortoq 5.4-mi aalajangersagaq malillugu peqqussut malikkumaneqanngippat, timmisartoqarfimmi aqutsisoqarfik pisinnaatitaavoq timmisartoq pineqartoq assigisaaluunniit atuisup piginnittulluunniit aningaasartuutigisassaanik peernissaanut, peerneqarneranilu atuisoq / piginnittorlu taakkualu sillimmasiisarfittut atugaat piffissaq sioqqullugu tamatuminnga nalunaaruteqarfigineqassapput.

6. Angallanneq

- 6.1. Ataani immikkoortoq 6.4-mi silaannakkut angallanneq pillugu aalajangersakkat aamma immikkoortumi 6.5-mi tunuarsimasussaannermut malittrisassat eqqaassanngikkaanni Kalaallit Nunaanni angallannermut inatsit atuuppoq, taamaattorli timmisartoqarfimmi aqutsisut aamma silaannakkut angallannermut kiffartuussisut peqqussutaat malinneqassapput.
- 6.2. Timmisartoqarfiup aqutsisuinit uniffissatut innersuunneqartut avataaniittuni immikkut akuerisaasimannngikkaanni biilini inissiineq inerteqqutaavoq. Angallannermut inatsit aamma ussersornermut, skilt-ilersornermut, kalerrisaarinermut, titarnilersuinermut, qamutit motorillit angallaviini titarnilersuinermut il. il. aalajangersakkat atuupput, angallannermut inatsit naapertorlugu aalajangersakkat.
- 6.3. Timmisartup mereernerani aallalerneraniluunniit ingerlaviit qamutinik motorilinnik angallavigneqassappata tassuunaarniartut tamarmik ataasiakkaarlutik silaannakkut angallannermut kiffartuussisoqarfimmiit akuerisaaqqaarsimassapput.
- 6.3.1. Taamaattoq silaannakkut angallannermut kiffartuussisoqarfiup timmisartoqarfimmi aqutsisut isumaqatigiissuteqarfigereernerisigut, atorfimmi sulinermut atatillugu qamutinik motorilinnik timmisartup mereernerani aallalerneranilu ingerlavitsigut imaluunniit ingerlaviit ilaatigut ingerlasoqarsinnaaneranut nalinginnaasunik

akuersissutinik atuutilersitsisinnaavoq, qamutit motorillit Greenland Airports International A/S-imit imaluunniit oqartussaqaqfinnit allanit pigineqarsimappata, taamaalillutik qamutit motorillit imm. 6.3.2-mi piunasaqaatit taamaallaat naammassisussaallugit.

6.3.2. Timmisartoqarfiup iluani ingerlavigeqqusaasumi ingerlasoqartillugu qamutit radiotelefonimik akuerisaasumik atortoqassapput, aammalu atasuinnarmik FM-ikkut nakkutilliilluni tusarnaartoqassaaq. Qamutip motorillip qanittumut qullii aamma qullia ikittaartoq ikumassapput. Greenland Airports International A/S-ip radioqarnikkut malittareqqusai malinneqassapput.

6.3.2.1. Qamutit motorillit qamummik allamik akuerisamik radiotelefonianlæg-eqartumik ingiaqartillugit radiotelefonianlæg-eqassanngillat.

6.4. Silaannakkut angallatinut namminneq ingerlasinnaassusilinnut silaannakkut angallannermut malittarisassat atuupput, tak. BL 7-1.

6.4.1. Silaannakkut angallatit ingerlasut, namminneq nukitik atorlugit ingerlagunik imaluunniit kalinneqarunik BL 7-1 naapertorlugu qullii (lanterneføring) inissinneqassapput. Taamaattoq timmisartoqarfiup killigititaata avataani qullilerfik taama ittoq (lanterneføring) angallannermut inatsimmi aalajangersakkat naapertorlugit allamik nalunaaqutsikkamik taarserneqarsinnaavoq, silaannakkut angallat kalinneqarpat, aammalu qullilersuutit pillugit BL 7-1-mi aalajangersakkat naammassineqarnissaat periarfissaanngippat.

6.4.1.1. Silaannakkut angallatit timmisartoqarfiup iluani kalinneqartillugit qamutit kalittut qullia kaavittoq ikumassaaq.

6.4.2. Silaannakkut angallatit hangarimut eqqunneqarnerini imaluunniit anillatsinneqarnerini motoorii ikumassanngillat.

6.4.3. Silaannakkut angallatit eqqullugillu anillatsinnerini, aallartinnerini qaminnerini timmisartoqarfiup iluani illut eqqaaniittut, biilnik inissiisarfiit, hangarit aammalu silaannakkut angallatit allat meqqammerlutik ingerlasut il. il. pisariaqartumik mianerineqassapput, sapinngisamillu nipiliortut appasinnerpaamiitinneqassapput.

6.5. Timmisartut mittarfimmi namminneq ingerlatillugit, allat qamutit motorillit tamarmik pinngitsooratik tunuarsimasussaataapput.

6.5.1. Inuit qamutillu motorimik ingerlassutillit, timmisartumik ingerlasumik ilitsersuitillugit, ingerlasut allat tamarmik pinngitsooratik tunuarsimasussaataapput, imm. 6.5-mi taaneqartoq kisiat ilanngunnagu.

6.5.1.1. Silaannakkut angallatip aamma inuit imaluunniit qamutit motoorillit tassanga ilitsersuisuusut akornanni angallanneq inerteqqutaavoq.

6.5.2. Silaannakkut angallatit, kalinneqarnertut, imm. 6.5-imi aamma 6.5.1-imi taaneqartut minillugit, pinngitsooratik tunuarsimasussaataapput.

- 6.5.3. Qatserisartut aamma annaassinianermut atortut qamutit motorillit kiisalu timmisartortartut qamutaat ikiuiartortut kisiisa minillugit, angallannerit allat tamarmik imm. 6.5.1-imi aamma 6.5.2-mi taaneqartut tunuarsimasussaataapput.
- 6.5.4. Inuit timmisartumi ilaasut mittarfimmi pisunnerini suulluunniit angallassissutit tamarmik tunuarsimasussaataapput.
- 6.6. Orsertarfiit iluini qamutinik motorilinnik angalaneq BL 3-6 naapertorlugu pissaaq.
- 6.6.1. Timmisartut uninngasarfiini qamutinik motorilinnik orsiinerit assigisaaluunniit taamaallaat pissapput uninngavinni nalunaaqutsineqarsimasuni. Taamaattoq pisuni tamani silaannakkut angallatinut ungasissuseq minnerpaamik 20 meteriussaaq.
- 6.7. Kabelinik silaannakkut angallatinut pilersuisunik aqputaluginninneq inerteqqutaavoq, imaassimangippat ingerlatseqatigiiffiup pineqartup nammineq silaannakkut angallatinik isumaginninnermini tamanna illersorneqarsinnaasutut aamma pisariaqartutut isigigaa.

7. Ajutoorneq

- 7.1. Timmisartoqarfimmi ajutoornerit aamma pisut il. il. inuup ajoquserneranik, atortut annertuumik ajoqusernerinik kinguneqartut imaluunniit timmisartoqarfiup ingerlanneqarneranut kinguneqartut, piaarnerpaamik timmisartoqarfiup aqutsisuinut nalunaarutigineqassapput.
- 7.1.1. Imm. 7.1-mi aalajangersakkap, silaannakkut angallanneq pillugu inatsimmi § 137 malillugu Havarikommisionen for Civil Luftfartimut nalunaarutiginnittussaataaneq atorunnaarsissinnaanngilaa, imaluunniit timmisartukkat angallanneq pillugu inatsimmi § 89 b malillugu aalajangersakkat malillugit Trafikstyrelsenimut.
- 7.2. Taamaattoq qamutinik motoorilinnik ajutoortoqartillugu aamma politiinut nalunaarutiginnittoqartassaaq, inummik ajoqusertoqarsimappat, atortutigut annertuumik ajoqusertoqarsimappat, imaluunniit ajutoorneq politiinit suliarineqartariaqartutut nalilerneqarpat.

8. Qamutit motorillit il. il.

- 8.1. Qamutit motorillit, timmisartoqarfimmi atorneqartut, angallannermut inatsit naapertorlugu ilusilersugaanermut aamma atortulersugaanermut il. il. piumasaaqatit pillugit aalajangersakkanik naammassinnittussaapput, imaassimangippat immikkut ittumik akuersissut politiinit nalunaarutigineqarsimasooq.
- 8.1.1. Angallannermut inatsimmi qamutinut motoorilinnut aalajangersakkatigut silinnerpaaffissaliinerit, portussusiliinerit, angissusiliinerit, oqimaassusiliinerit, biilip

oqimaassusiata akselinut naqitsineqassuserisassaanik killiliinerit, mittarfimmi atorpeqartartunut atuutinggillat.

- 8.2. Qamutit motorillit, angallannermut inatsit malilllugu kørekort-egarnissamik piunasaqaateqarfiusut, timmisartoqarfiup iluani taamaallaat ingerlanneqarsinnaapput, inunnit tassunga qamutimut pineqartumut atuuttumik kørekort-egartunit. Tamanna aamma atuuppoq qamutitut politiinit nalunaarsorneqarnissamut piunasaqaateqarfiunngitsunut.
- 8.3. Qamutit motorillit, timmisartoqarfiup iluani atorpeqartut, angallannermut inatsimmi malittarisassat naapertorlugit akisussaanermut sillimmaserneqarsimassapput.

9. Torersuutitsinermi malittarisassat

- 9.1. Timmisartoqarfiup iluani timmisartoqarfiup ingerlanneqarneranut akornusiisumik imaluunniit kikkut tamarmik isersimaffianni akornusiilluni nipituuliorneq, nakuuserneq kanngunartuliorneq imaluunniit allatut ileqqulersorneq inerteqqutaapput.
- 9.2. Orsertarfiit eqqaanni, timmisartoqarfiit saavata tungaanni, hangarimi, timmisartut eqqaanni, ikummatissaqarfiilluunniit eqqaanni aamma assigisaanni pujortartoqaqqusaanngilaq aammalu innermik ikitsisoqaqqusaanani. Tamanna inerteqqut aamma qamutini motoritalinni inunnut atuuppoq.
- 9.3. Timmisartoqarfiup eqqaani ammasumik ikuallaasoqassappat, tassunga ilagitillugu eqqagassanik aamma assigisannik ikuallaaneq, taamaallaat timmisartoqarfiup aqutsisuisa akuersinerisigut pisinnaavoq.
- 9.4. Eqqakkanik igitsineq, imerpalasunik aamma assigisaanik imaarsineq taamaallaat timmisartoqarfiup aqutsisuisa innersuussutaat malinneqarpata pisinnaapput.
- 9.5. Timmisartoqarfiup assersorsimasup iluani timmisartoqarfiup aqutsisuinit akuersissuteqartinnani akuutissanik ikuallajasunik, qaartartunik, toqunartunik, bakteriekulturinik, qinngornilinnik ulorianartunik, kemikalianik neruiartunik, sakkussanik kiisalu atortuni allanik imaluunniit akuutissanik, mianersuaalliornikkut peqqissutsimut aamma pigisanut ulorianarsinnaasunik, imaluunniit narlungunarnermikkut avatangiisinut ajoqusersuutaasinnaasunik nassarneq imaluunniit toqqortaqrneq inerteqqutaapput.
- 9.6. Radio atorlugu sumiissusersiornermi aamma attaveqaqatigiinnermi il. il. isumannaatsuunermik mianerinnilluni timmisartoqarfimmi aqutsisut atortunik elektriskiusunik, soorlu mobiltelefoninik, walkietalkinik aamma transistorradionik il. il. timmisartoqarfimmi atuneq inerteqqutigisinnaavaat. Atuinissamut inerteqquteqrneq ingerlaannaq malinneqassaaq.
- 9.7. Timmisartoqarfiup assersorsimasup iluani kiisalu timmisartoqarfiup illutaasa iluini timmisartoqarfiup aqutsisuinit akuersissuteqartinnani inuussutissarsiornermut atatillugu uninngasoqassanngilaq, inuussutissarsiornermut atatillugu imaluunniit

ilinniartitsissutissatut atugassanik filmimut / videomulluunniit immiussisoqassanngilaq, katersisoqassanngilaq, naqitanik agguasoqassanngilaq imaluunniit plakatinik nivinngaassuisoqassanngilaq.

- 9.7.1. Timmisartoqarfiup assersorsimasup iluani assiliineq, filmiliorneq aamma videoliorneq inerteqqutaapput, tamanna allagartaliinikkut allanneqarsimappat, imaluunniit isumannnaallissaneq tunngavigalugu timmisartoqarfiup aqutsisuisa tamanna inerteqqutaatippassuk, soorluttaaq timmisartoqarfiup aqutsisuisa peqqussutaat aamma innersuussutaat allat malinneqassasut.
- 9.8. Timmisartoqarfiup aqutsisuinit immikkut ittumik akuersissuteqartinnani uumasut timmisartoqarfiup assersorsimasup iluanut imaluunniit timmisartoqarfiup illutaasa iluikut tamat isersimaffigisinnaasaannut nassarneqaqqusaanngillat.
- 9.9. Timmisartoqarfimmi suliaqarneq sunaluunniit BL 3-12-imi aalajangersakkat naapertorlugit naammassineqassaaq, aamma timmisartoqarfiup assersorsimasup iluani sulineq timmisartoqarfiup aqutsisuinit ilitsersorneqarnikkut aamma nakkutigineqarnikkut ingerlanneqassaaq.

10. Immikkut akuersissutit

- 10.1. Trafikstyrelseni pisuni immikkut illuinnartuni imm. 4.5-imi, imm. 6.3.2-mi, imm. 6.4-mi, imm. 6.4.1-imi, imm. 6.4.1.1-imi aamma imm. 6.6-imi aalajangersakkanik saneqqussilluni akuersissuteqarsinnaavoq, aalajangersakkani pineqartuni mianerinninnernut tunngavigisanut tamanna naapertuuttut nalilerneqarpat.
- 10.2. Timmisartoqarfimmi aqutsisut pisuni immikkut illuinnartuni immikkoortumi 4-mi aalajangersakkanik saneqqussilluni akuersissuteqarsinnaavoq, imm. 4.5-imi, imm. 5-imi, imm. 6.1-imi, imm. 6.2-mi, 6.4.2-mi, imm. 6.6.1-imi aamma immikkoortoq 9-mi aalajangersakkat ilanngunnagit, aalajangersakkani pineqartuni mianerinninnernut tunngavigisanut tamanna naapertuuttut nalilerneqarpat. Taamaattoq timmisartoqarfimmi aqutsisut imm. 6.1-imi namminneq peqqussutiminnit immikkut akuersissuteqarsinnaapput.

11. Arsaarinnineq

- 11.1. Timmisartoqarfimmut isersinnaaneq, timmisartoqarfimmi uninngasinnaaneq aamma angalasinnaaneq pillugit aalajangersakkanik ingasattumik imaluunniit arlaleriartumik unioqqutitsinermut, tak. immikkoortoq 4, immikkoortoq 5, aamma immikkoortoq 6, timmisartoqarfimmi aqutsisut kinaassutsimut uppersaatit imaluunniit isersinnaanermut tunngavinnik atuutilersinneqarsimasunik arsaarinnissinnaatitaapput.

12. Malaaruteqarsinnaatitaaneq

- 12.1. Imm. 5.3.1 malillugu timmisartoqarfiup aqutsisuisa inerteqqutigisai aamma imm. 5.4 malillugu inassutaat Trafikstyrelsenimut maalaarutigineqarsinnaapput, tak. Kalaallit Nunaanni timmisartoqarfinni torersuutitsinermut malittarisassat pillugit nalunaarummi nr. 708, 14. august 1992-imeersumi § 11, imm. 2, aamma § 12.

13. Pillarneqaatissat

- 13.1. Imm. 4.1-imiit 4.3.1-imut, imm. 4.4.1-imi, immikkoortoq 5.1, imm. 5.1.1-imi, imm. 5.2.1-imi, imm. 6.2-mi, oqaaseqatigiit 1.-mi, imm. 6.3-mi, imm. 6.3.2-mi, imm. 6.4-miit 6.6.1-imut aamma immikkoortoq 9-mi aalajangersakkanik unioqqutitsineq kiisalu imm. 4.4 malillugu inassummik malinninnginneq Kalaallit Nunaanni pinerluttulerinermi inatsit malillugu pineqaatissinneqarnermik kinguneqarsinnaapput.

14. Atuutilersitsineq

- 14.1. Una BL atuutilissaaq ulloq 28. november 2024.

Trafikstyrelseni, ulloq XX

Nanna Møller

/ Henrik Ellermann

Kakkiussaq

Nuummi mittarfiup



